



UKA 2017/59  
10. okt. 2017  
Aaja Chemnitz Larsen

**Tunngaviusumik inatsisip - aamma isumaqatigiissusiortarnermut sinaakkutissat Kalaallit Nunaannut atuuttut sinaakkutaasa iluanni Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 28-p allannguutissaanik siunnersuuteqaqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut tassani inatsisitigut periarfissaalersinniarlugu pisortat ingerlatsiviini nuna tamakkerlugu paasissutissanik katersivimmik pilersitsisoqarsinnaanissaa, allattugaatik suliallu meeqqanut sumiginnakkanut tunngasut politiinit, inunnik isumaginnittunit peqqinnissaqarfimmit, kommuninit allanilu oqartussaaffinit susassaqartunit, taakkulu ataanni sullivinnit takusinnaangorlugu.**

(Inatsisartunut ilaasortaq Randi Vestergaard Evaldsen, Demokraatit)

Siunnersuuteqartumut qujanaq.

Siunnersuuteqartup meeqqavut siunissarigivut, meeqqallu amerlanerpaartaat pitsaasumik toqqissisimanartumillu meeraanerannik oqarnera Inuit Ataqatigiit isumaqatigaat

Meeqqat pingajorarterutaasa ilaat 5.000-it missaanniittut sumiginnagaanermik nalaataqartarput. Tamanna akuersaarneqarsinnaanngilaq, Inuit Ataqatigiillu ukiuni kingullerni politikikkut meeqqanut tunngasunik erseqqissumik pingaarnerutitsisoqalernera nuannaarutigaa. Sorpassuit suliniutaalerput, nalunaarusiallu uppersaatillu takkussortuartut meeqqanik sumiginnaanerup suli annertuumik ajornartorsiutaanera uppersarparaat.

# INUIT ATAQATIGIIT

## Inatsisartuni



Ajornartorsiut inunnik appisaluussinikkut kanngusaarinikkulluunniit aaqqinneqarsinnaanngitsoq Inuit Ataqatigiit isumaqarput. Angajoqqaat namminneq meeraanermi sumiginnagaasimasut ilaatigut ullumikkut sumiginnaanerup kinguaariinnit kinguaariinnut kingornuttagaaneranut patsisaavoq. Taamaammat siusissukkut suliniuteqarneq pinaveersaartitsinerlu Inuit Ataqatigiit pingaartitaraat. Naalakkersuisut suliniuteqarnerisigut meeqqat ikinnerusut sumiginnagaanermik misigisaqarnissaat angajoqqaallu amerlanerusut angajoqqaatut isumaginninnerminnik ilitserorneqarnissaat annertuumik neriulluarfigaarput. Suliarli tamanna piffissami sivirusumi ingerlanneqassaaq, taamaammallu aaqqiigasuarnerusinnaani.

Meeqqap isumassorneqarnissaa tamatigut pingaarnerpaatinneqartuassaaq. Tamanna Inuit Ataqatigiit isumaqatigiissutigaaq. Ullumikkut piffinni akimut suleqatigiinnernik arlalinnik assersuutissaqarpoq. Oqartussaasut assigiinngitsut Ataatsimiititaliaat, kommunini angerlarsimaffiup avataanut inissiiinissanik isummertartut. Siusinaartumik suliaqarnissamik suliniut, paasissutissat peqqinnissaqarfimmi isumaginninnermullu ingerlatsivinni akuttunngitsumik avitseqatigiiffiqineqartarnerannik ingerlatsiviusoq akuliutiaarnermik suliaqarnermut assersuutit pingaarutillit ilagaat, tassanilu nuna tamakkerlugu paasissutissanik katersiveqanngikkaluarluni suleqatigiilluarneq ingerlanneqarpoq. Taamattaq meeqqat pinerlunniartartut aarlerigineqartut pillugit Politiit isumaginninnermut Ingerlatsivinnut paasissutissanik avitseqateqarfisarpaat.

Inuit Ataqatigiit isumaat naapertorlugu isumaginninnikkut suliniutit sukumiisut tigussaasullu aallunneqartariaqarput, taamaaliornikkut meeqqamut ilaqutariinnullu iluaqutaasumik angajoqqaajuneq nukittorsarneqassaaq.

Taamaammat Inuit Ataqatigiit 2018-imut aningaasanut inatsisissaq pillugu isumaqatiginninniarnerni meeqqanut tunngasunik nukittorsaanissami aningasanik pingaarnersiupput. Tamanna ilaatigut assannik kissalaartunik piginnaasalinnik naammattunik qulakkeerinninnikkut ilaatigut pissasoq isumaqarpugut. Isumaginninnermut siunnersortinik perorsaasunillu sumiiffik qimannagu ilinniartitaanernik suliaqarnerit nanginnissaannut aningaasaliisoqartariaqartoq isumaqarpugut, tamannami nunarput tamakkerlugu sumiginnaasoqarnerani iliuuseqarasuarsinnaasunik piginnaasalinnik sulisoqarnissamik qulakkeerinnittuuvoq. Ilaqutariit katsorsaaviini angajoqqaatut

# INUIT ATAQATIGIIT

## Inatsisartuni



piginnaanngorsaanermik suliaqarneq pingaaruteqartut ilagaat. Meeqqat sumiginnakkat aaqqissuussat paasissutissanillu katersiviit atorlugit ikiorsersinnaanngilagut. Kommuni inunnik ilinniarsimasunik, sulianik amerlavallaanik tigumminnngitsunik sulisoqarnikkut nukittuunik upalungaarsimasoqarnissaq pingaaruteqarpoq.

Meeqqat tamarmik toqqissisimanartumik meeraanissaasa angunissaanut aqquq suli takivoq, aqqulli eqqortoq ingerlavigigipput isumaqarpugut, ukiunilu kingullerni isumaginninnerup nukittorsaavigineqarneranik suli nuannaarutigaaavut. Meeqqat amerlanerusut pitsaasumik meeraanermi inuuneqarnissaat qulakkiissagutsigu, taamatut pingaarnertitsineq ukiuni suli amerlasuuni nanginneqassaaq, taamalillunilumi nunarput qaamasumik siunissaqalissaaq. Partiilersuunnagu ataatsimoorluta kinguaariit tullissaasa pitsaasumik toqqissisimanartumillu meeraanissaannik suliniuteqarnikkut meeqqanut politikki nukittorsassavarput. Ilannummi taamatut meeraaneq angajoqqaamik meeraanerannit pitsaanagerusumik misigisaqarfiussaaq.